

DECRETO

Ilmo. Sr. Don Miguel Fernández Méndez, Tenente de Alcaldesa Delegado da Área de Cohesión Territorial do Excmo. Concello de Lugo.

Asunto: Convocatoria do procedemento para o outorgamento de autorizacións de uso dos hortos urbanos municipais no “Parque dos Paxariños”. Ano 2021.

Visto o informe-proposta do Servizo de Medio Ambiente, que na súa parte expositiva é do teor literal seguinte:

“ANTECEDENTES

1.- O Excmo. Concello Pleno, en sesión ordinaria do 30 de novembro de 2017, adoptou, entre outros, o acordo número 1/222 relativo á toma de razón da aprobación definitiva da Ordenanza municipal reguladora dos hortos urbanos.

2.- A dita Ordenanza, en cumprimento do disposto no artigo 70.2 da Lei 7/1985, de 2 de abril, reguladora das bases do réximen local e no artigo 131 da Lei 39/2015, de 1 de outubro, de procedemento administrativo común das administracións públicas, foi publicada no Boletín Oficial da Provincia de Lugo do 29 de decembro de 2017.

3.- A Ordenanza municipal reguladora dos hortos urbanos establece o procedemento de adxudicación das autorizacións de uso dos hortos e os criterios xerais de selección aplicables no seu Título II.

4.- O decreto número 18009377 do 12/11/2018 aprobaba a listaxe definitiva de adxudicatarios dos hortos urbanos no “Parque dos Paxariños” da anterior convocatoria.

5.- A vixencia das autorizacións será de dous anos vexetativos conforme ao establecido no artigo 10.3 da devandita Ordenanza

6.- O decreto 7392/2021 do 7 de setembro de 2021 resolve: declarar o fin da vixencia con data do 15 de outubro de 2021 das autorizacións ao transcurrir os dous anos vexetativos, comunicar a obriga os adxudicatarios vixentes de devolver os hortos en condicións análogas ás que tiñan cando foron cedidos á persoa adxudicataria. (Artigo 31 da Ordenanza) e iniciar unha nova convocatoria para o outorgamento de novas autorizacións de uso para os 32 hortos urbanos existentes no “Parque dos Paxariños”.

CONSIDERACIÓNS XURÍDICAS

ÚNICA.- O presente procedemento de adxudicación das autorizacións de uso dos hortos urbanos emprazados no Parque dos Paxariños rexerese polo disposto no

Medioambiente

JTR/cII

Refª: ispac5500663969740731649.doc

Asunto:

Título II da Ordenanza municipal reguladora dos hortos urbanos publicada no BOP de Lugo do 29 de decembro de 2017.”

No uso das atribucións conferidas á Xunta de Goberno Local no artigo 127 da Lei 7/1985, do 2 de abril, reguladora das bases do réxime local, en virtude da delegación da Xunta de Goberno Local no Tte. de Alcaldesa Delegado da Área, recollida no apartado segundo do Acordo núm. 28/452 da Xunta de Goberno Local do 17 de xullo de 2019; e de conformidade coa proposta do Servizo de Medio Ambiente,

RESOLVO:

PRIMEIRO.- Aprobar a convocatoria do procedemento de adxudicación para a concesión de autorizacións municipais na condición de persoas beneficiarias ou concesionarias dos hortos urbanos sitios no Parque dos Paxariños, con arreglo as seguintes

BASES

PRIMEIRA.- OBXECTO DO PROCEDEMENTO

É obxecto deste procedemento o outorgamento de trinta e dúas autorizacións municipais para a ocupación e o uso temporal das parcelas destinadas a hortos urbanos sitas nas fincas de titularidade municipal anexas ao Parque dos Paxariños, na ladeira entre a ronda das Fontiñas (fronte aos portais núm. 146-180) e o paseo fluvial do Rato (estrada LU-P 2925), a carón do barrio de Xuíz.

SEGUNDA.- NATUREZA E RÉXIME XURÍDICO DAS ADXUDICACIÓNS

As autorizacións de ocupación e de uso temporal outorgaranse como un uso común especial, en réxime de concorrencia, ás persoas beneficiarias que resulten deste proceso, recollido e regulado no Título II (artigos do 7 ao 13, ambos inclusive) da Ordenanza municipal reguladora dos hortos urbanos, publicada no BOP da provincia de Lugo o día 29 de decembro de 2017.

TERCEIRA.- PRESENTACIÓN DE SOLICITUDES

3ª.1.- CONDICIÓNS ESIXIDAS PARA SER PERSOAS BENEFICIARIAS

Poderán ser beneficiarias e beneficiarios das autorizacións municipais de ocupación dos hortos urbanos as persoas empadroadas no municipio de Lugo que,

efectivamente, residan na localidade, e que cumpran ademais cos seguintes requisitos:

- a) Ser persoa física maior de idade.
- b) Encontrarse capacitada/o fisicamente para a realización das labores agrarias para desenvolver no horto.
- c) Estar ao corrente no pagamento das obrigas tributarias co Concello de Lugo.
- d) Non estar en posesión, tanto a persoa solicitante coma o seu cónxuxe e outros membros da unidade familiar, doutra parcela de horto urbano no municipio de Lugo.

Excepcionalmente, sempre que non houbese un número suficiente de solicitudes, poderán ser persoas beneficiarias do uso e goce dos hortos aquelas persoas residentes de forma temporal no municipio que non se atopen empadroadas nel.

O Concello comprobará de oficio o empadroamento e residencia efectiva da persoa solicitante no municipio de Lugo, así como o cumprimento da obriga de estar ao corrente no pagamento das obrigas tributarias co Concello de Lugo.

3ª.2.- PRESENTACIÓN DE SOLICITUDES

A persoa interesada na adxudicación dos hortos urbanos deberá presentar unha solicitude no Rexistro Xeral do Concello de Lugo ou en calquera dos lugares e rexistros establecidos na normativa reguladora Lei 39/2015 do procedemento administrativo común das administracións públicas, no modelo normalizado de instancia que se facilitará para o efecto.

A solicitude deberase acompañar da seguinte documentación:

- a) Fotocopia do DNI ou documento que legalmente o substitúa
- b) Unha fotografía recente tamaño carné
- c) Declaración xurada ou certificado médico de capacidade física para a realización de labores agrarias
- d) Declaración xurada de que tanto o solicitante como o seu cónxuxe ou outros membros da unidade familiar non están en posesión doutra parcela de horto urbano no municipio de Lugo
- e) A documentación que acredite o cumprimento das condicións que se van valorar conforme aos criterios que se establecen nesta convocatoria

Medioambiente

JTR/cII

Refª: ispac5500663969740731649.doc

Asunto:

3ª. 3.- PRAZO DE PRESENTACIÓN

O prazo para a presentación das solicitudes será de 15 días naturais dende a publicación desta convocatoria no Taboleiro de Edictos e na páxina web do Concello de Lugo.

CUARTA.- BAREMO PARA VALORACIÓN DAS SOLICITUDES

A valoración das peticións de autorización para a ocupación e uso temporal das parcelas destinadas a hortos urbanos realizarase conforme ao seguinte baremo:

a) Persoas desempregadas que non reciban ou tivesen agotado a prestación e/ou subsidio de desemprego: 10 puntos.

b) Persoas desempregadas perceptoras de prestación ou subsidio por desempleo: 8 puntos

A situación de desemprego a que se refiren a) e b) acreditarase mediante documentación procedente do Servizo Galego de Colocación e/ou do SEPE.

c) Ter a persoa solicitante ao seu cargo algún integrante da unidade familiar que sexa minusválido psíquico e/ou físico incapacitado para o traballo. Por cada membro que cumpra esta condición:

- Grao de minusvalía ata o 33%: 1 punto
- Grao de minusvalía entre o 34% ata o 65%: 3 puntos
- Grao de minusvalía de 66% ou máis: 4 puntos

A acreditación da minusvalía farase mediante documento oficial de recoñecemento de tal situación.

d) Familias monoparentais: pais ou nais con fillos menores ao seu cargo: 4 puntos máis 1 por cada menor ao seu cargo.

Esta situación familiar acreditarase mediante copia compulsada do Libro de Familia, Certificado da situación de monoparentalidade recoñecida pola Comunidade Autónoma de Galicia ou por calquera dos medios admitidos en dereito.

e) Vítimas de violencia de xénero ou no ámbito familiar: 4 puntos que se incrementarán con 1 punto máis por cada fillo ao seu cargo.

A acreditación de esta situación farase por calquera dos medios admitidos en dereito.

f) Xubilada/os por ser maiores de 65 anos: 2 puntos.

g) Xubilada/os entre 60 e 65 anos: 1 punto.

A situación de xubilación á que se refiren os parágrafos f) e g) acreditarase mediante vida laboral ou documento que o xustifique.

En caso de obteren dous ou máis solicitantes a mesma puntuación, para a formación da listaxe de adxudicación terase en conta a orde de entrada da solicitude no Rexistro.

QUINTA.- LISTAXE DE ADXUDICATARIOS

5ª.1. LISTAXE PROVISIONAL

Conforme aos criterios de valoración formarase unha listaxe provisional de persoas adxudicatarias cos puntos acadados por cada unha delas que se exporá ao público a través do Taboleiro de Edictos e da páxina web do Concello polo prazo de dez días naturais nos que as persoas interesadas poderán presentar reclamacións en caso de disconformidade coa valoración realizada.

5ª.2. RESOLUCIÓN DEFINITIVA

Rematado o prazo anterior, e resultas, se é o caso, as reclamacións recibidas, ditarase resolución definitiva coa adxudicación persoal das distintas parcelas ás persoas beneficiarias que resulten da baremación anterior.

Aquelas persoas que, por menor valoración da súa solicitude, non resultasen beneficiarias da adxudicación dalgún horto urbano, pasarán a integrar unha bolsa de suplentes, que tamén se ordenará conforme á valoración acadada na fase de baremación, e cuxa vixencia se manterá ata unha nova convocatoria do procedemento de adxudicación. Os ditos suplentes serán chamados, segundo a orde que ocupen na bolsa referida, en caso de renuncia ou perda do dereito de calquera das persoas adxudicatarias da autorización para a ocupación de uso e goce dos hortos urbanos.

Aquelas persoas que fora de prazo soliciten ser beneficiarias do uso ou goce dos hortos urbanos e reúnan os requisitos esixidos na Ordenanza municipal de hortos urbanos pasarán a integrar a bolsa de suplentes, integrándose nela ao final da listaxe e por orde de data de presentación da solicitude no Rexistro Xeral do Concello.

Medioambiente

JTR/cll

Ref^a: ispac5500663969740731649.doc

Asunto:

SEXTA.- DURACIÓN DAS AUTORIZACIÓNS

As autorizacións que habiliten para o uso e goce do dominio público sobre o que se asentan os hortos urbanos serán persoais e temporais, polo prazo de dous anos vexetativos.

As autorizacións para o uso e disfrute dos hortos urbanos poderanse deixar sin vixencia, individual ou colectivamente, se se incumprisen as condicións que motivaron a súa concesión ou as obrigas que recaen sobre as persoas adxudicatarias sinaladas na Ordenanza municipal de hortos urbanos.

SEGUNDO.- Publicar esta convocatoria no Taboleiro de Edictos do Concello de Lugo así como na súa páxina web.

Así mesmo, déase traslado ás dependencias e aos servizos municipais afectados. Cúmprase.